

至與諸大悅俾典戎務咨以機密授供奉不受後又拜學士中書左丞宏文大學士太常卿禮部尙書皆辭又賜金帛等物亦不受高廟三幸其第引入內賜坐病則賜醫藥年七十二無疾而終帝再三震悼賜以棺帛當時在廷公卿皆以爲無此寵遇方公之初見太祖也只勸其戒殺以爲生民之望及詰以元政何如公惟流涕而已詔對之暇焚香危坐若山中老僧者太祖數遣人覘之公正念金剛經曰以如是降伏其心以如是降伏其心故始終不相疑焉然其不受人職亦可謂忠於元者也元史不載吾故表而誌之

完璞子列傳

道藏輯要

三丰全集 古文

二

續畢集七

完璞子姓程名瑤字光杓新安人徵士搏霄之子也狀貌魁梧性情豪宕母倪氏夢神人以赤玉授之而生幼有神悟誦經史如已熟讀者然倪氏卒哀毀如成人自是日日勤學所謂孔孟心傳河洛宗旨皆貫通焉及長娶周氏氏名錫字元姬長知書理閱綱目傳記能較其異同稱閨中博士姬於君爲同庚而君生以冬至元姬生以夏至蓋一少陽一少陰也孝翁敬夫暇則聆光杓誦讀恒以義理相質搏霄棄世後守制如禮服闋北游宋濂一見卽奇之曰風塵外物搏霄爲不死矣尋辭去從吳楨學劍甫期月而卽盡其能乃佩劍出游遇王仲都於句曲授以大道命擇地修煉遂還北岳潛修十二載道成時年三十六也

始歸家見元姬課子讀書遂獨寢中堂元姬潛窺見其趺坐於
榻頂有金光照耀一室詰朝請曰夫子何不以道相授乎光杓
曰方欲度盡天下豈吝於子但未謝師恩故未敢也遂往大鵬
山謁見王真君賜號完璞子拜謝而去攜劍游晉陽轉之荆楚
時有姚廣孝者出家妙智菴法名道衍雖從佛教卻喜談兵嘗
游南陽新野訪卧龍遺蹟題詩於廟津津自喜忽有一人坐於
其側大喝曰和尚何人敢詣武侯耶衍大驚見其道裝佩劍容
貌清奇作禮曰無心之詠嘆道長何責之深也敢請從來道者
云吾號完璞惟喜遨遊蒼林碧巘皆吾廬也仰天大笑而去衍
後爲燕王所倚助惡篡國故完璞一羞之也建文初燕入會葬
道藏輯要

三丰全集 古文

三 續畢集七
X X X

訖還至淮陰次子高煦引兵來接忽然風霧大作沙石亂飛無
路可出猛聞喝聲曰且饒汝天卽清明見一道者按劍而晒煦
欲問詢風過不見矣歸令道衍占之曰此仙家遊戲耳蓋完璞
自羞道衍後卽知燕王入朝故於中途顯遁甲以警之夏四月
太祖小祥燕遣世子煦燧等入臨魏國公徐輝祖密奏請留之
煦入輝祖廐盜良馬先逃時完璞訪余於武當遙見煦來因掣
劍指之其馬驚嘶跑轉控勒不止欲下不能直至江口如從雲
霧中墜下燕後圍濟南鐵鉉令軍民詐降遂敗燕於城下時道
衍亦在軍中出營巡視一人至前曰余有破城之訣以祕函付
之卽去衍啟視云贊畫軍機會不識詐降之計師到濟南多不

濟問何如劉誠意全未行覽之恥懼交集細憶其人宛似武侯廟前所遇者完璞復去游淮上值燕師進攻滄州高煦殿後俄而冰雹大作齊奔北軍煦帶重傷而走周隱遙真人適來相遇怪而問之曰燕王應蓮之主何爲挫之完璞曰先生誤矣燕王棣今之管蔡也時無周公使彼得行其志而先生以應蓮歸之若此則強藩叛國皆稱應蓮而綱常從此墜地矣小子念此殊不敢徇俗情故常兩羞廣孝三辱高煦蓋欲振飭大倫維持名教使千秋以後知燕王之師爲山林仙客所不能容者定非應蓮之主也自古真人崛起則必除殘去暴上如湯武次如高光乃克稱應蓮焉近今如太祖開國平賊寇繼大元亦可稱爲應蓮然天以天下與明率當以祖宗傳貽者尊爲天命燕王不據位安知建文之後遂無世子耶矧其立位以來操心仁孝上天原無改易之心而燕王以強凌弱此不過如鄉人之豪奪其宗人之產於天命何與乎乃高煦暴物佐父稱兵道衍奸奴輔渠肆志淺識者猶不平況豪士哉吾聞先生爲角里公賢孫抑思商山輔翼何不重少子而重嫡子使當日戚后之兒亦居惠帝之位先生其許之否隱遙語塞遂各分手而去完璞仍還山居元姬來拜曰婚嫁之事妾已代君完之盍卽以道相授乎遂傳以返本還元之訣日夜修煉完璞子亦自溫養胎嬰九年胎孫復孕可以分身應物神游千里時元姬容顏日少悟徹前因乃

道藏輯要

三丰全集 古文

四

續畢集七

與完璞子同登瑤島之上矣

贊曰程完璞者忠義神仙也然其羞廣孝挫高煦說隱遙壯則壯矣母乃龍性未馴乎既聞溫養添孫入包山玦樓與徐君同修仙史則又儒雅之甚矣

慧通子列傳

慧通子姓徐名人瑞字輯五滇池侯徐景夫英之子也母宏氏初生一姊名大姑繼生慧通時洪武元年四月初八日也齟齬時死而復生忽開神慧先是滇池侯性情豪邁奮志從軍轉徙於外卒不能歸時慧通尙年稚也常師韓教授淹貫經史里人有神童之目而慧通天性澹遠素慕玄修日自館舍歸途遇赤

道藏輯要

三丰全集 古文

五

續顯集七

鬚道士招前語曰穉子有心學道抑知道不遠人乎忠孝仁義道之基也遂傳以妙品逸入深林不見慧通歸家乃存心報本矢志忠誠既念老父從征音書久絕遂欲遍處尋求以母孤清無人奉侍不敢遽行姊適婁江朱雲章專事游俠言欲爲朝廷出力圖取功名慧通聞而嘆曰朱哥亦作此想也心竊憂之未嘗爲母告也娶陶氏幼名鍾姑後改名復字於根心靈善悟能讀古經文姑少慧通一年而月日時則皆同也能事老姑人稱雙孝焉慧通以內助賢順乃聚徒教授館穀奉親嗣後生齒漸蕃謀生轉拙乃學爲岐黃之業精痘科兼善治疫癘國之人賴以活者益不可勝數矣側聞朱雲章勤王戰死遂具舟往慰大